


虚言語録

後録二之五



漢書門			
一〇〇二七	七三	一〇	七
號	函	架	冊
類			

内閣文庫			
漢書	一〇〇二七	三二	四
類	號	冊	架

内閣文庫	
番號	漢 10027
冊數	7 (7)
函號	311 53

虚言語録



綴じ部(喉部分)の文字など開きが不鮮明な箇所あり



臨安府徑山興聖萬壽禪寺後錄

淺草文庫

參學 正一 淨喜 尚賢 編

上堂開端令節萬事從新普賢磨墨文殊把
筆書箇事事大吉從茲常住寬餘掃除逋積
斗南長見老人星五峯峨峨倚空碧

謝知事上堂揚岐披紙衾出入庫司三十年
力輔慈明用都寺不點常住油真大椀造食
供養大眾後為亞世命師兼標準况此龍



峯名滿天下來者即非片木。若盡是棟材。從茲日日春風。挽回國師元氣。且股肱得人。一句作麼生。老僧八十間。無數贏得看山復看雲。

上堂舉瀉山因摘茶次謂仰山曰終日摘茶只聞子聲不見子形仰撼茶樹瀉云子只得其用不得其體仰云未審和尚如何瀉良久仰云知尚只得其體不得其用瀉云放子二

十棒拈云瀉山恐仰山不在時時管帶仰山子承父業豈敢妄爲若是體用互換放過杖子總是第二月

結夏小參僧問如來夏制禁足護生納僧家朝游西天暮歸東土作麼生制得他師云只可自怡悅不堪持贈君僧云若如是則不離當處常湛然覓別知君不可見師云餓狗齧枯骨僧問只如以大圓覺爲我伽藍身心安

居平等性智心如工伎兒心以和伎者作麼
生得身心安穩去師云見人空解笑弄物不
知名僧云某甲今夏信受奉行去也師云釘
蒲鐵舌得人憎

師乃云靈峯勝境神龍變化出沒難測其由
物外高人不憚崇岡峻嶺望風而至不爲崑
山採玉赤水求珠直教刺腦入膠盆正好將
身挨白刃時臨夏制意在護生性地絕塵無

生可護且九十日內精修梵行成就慧身下
句作麼生卓主文雪後始知松栢操事難方
見丈夫心

復舉睦州和尚因西峯相訪置茶果道話次
州云長老今夏在何處安居峯云蘭溪睦云
多少衆峯云七十餘僧睦云時中將何示徒
峯拈起餅子州云著甚死急拈云睦州雖不
用撥折雲門脚底險機

問徑山今夏多少衆內外七百餘僧忽又問尋常將何示徒和聲便喝待他擬議則便道徑山門下誰敢拏虎鬚

次日上堂鵝護雪臘人冰諸方恐有之我者裏毀於佛謗於法不入衆數尚且救不得一半何況九十日內如守古塚鬼作麼生得證入去擊拂子修心鍊行三世佛寃

謝秉拂夏齋上堂齋粥二時下地問訊進退

揖讓謂之禮撞鐘伐鼓謂之樂二者既備三德六味自天而降捧喝交馳從何而起會則香風吹菱花更雨新好者不然了寧損君德上堂君勿愛清涼清涼如火如沸湯君勿惡炎熱炎熱如冰如積雪勿愛亦勿惡未是逍遙處揚次公自見天衣懷和尚之後縱其波辯品藻諸方咸謂法藏比丘後身獨徑山殊未之信異竟此是何人

季世佛牙郎

上堂鴉作鴉鳴鵲作鵲噪盡大地人不知孔
竅忽有箇漢出來道大唐國裏有人，在老僧
不覺屈膝吐舌何故將謂無入
謝監收上堂禾子熟也世間好事人皆聽刈
鎌一舉鉢盂無底貯虛空古今差別情通主
丈頭邊路活且道往來飽德所主者何人卓
主丈家住海門東博桑最先照

解夏小參大覺世尊直下五十三世嫡孫比
丘某甲見在徑山興聖萬壽禪寺兼佛遺蔭
遵佛制法於四月十五日不用行壽坐草與
四海禪流同此安居於九十日內四威儀中
無頃刻雜用身心證此阿羅漢果無漏法身
出生入死得大受用夫復何疑忽有箇漢出
來道老和尚畢竟有何憑據中僧教伊近前
來低聲子向他道你把得穩便了

人參
五

復舉鏡清和尚問僧近離甚處僧云三峯夏
在甚處僧云五峯清云慈子三十棒僧云某
甲有什麼過清云盖汝出一叢林入一叢林
拍云動絃別曲落葉知秋山中散夏豈無衲
子東去西去忽有人問切不得道在徑山過
夏道著則打破你觸體何故卓主丈酒逢知
已飲詩向會人吟

次日上堂頂上笠腰下包千里萬里路岩窻

途中忽然撞著定上座輩道趙州東壁挂葫
蘆意作麼生放下筇子向他道我今夏在徑
山住曾見虛堂和尚說來且待我思量看待
他擬議攔胸一拳頂笠便行
謝書記藏主維那知客侍者上堂禮樂謙恭
進退揖讓叢林標準後學著龜只因夫子不
識一字帶累他老胡說得不盡直饒綱令清
峻驗人根高豈之一邊忽若丹霞來訪國師

又作麼生。卓主文三應不得漏洩。世不レテ

上堂舉雲門示衆三乘十二分教。達麼西來放過則不可。後來雪竇大師舉了。隨後喝云。大衆好喝。落在什麼處。若要鼻孔。遼夫須是辨取者。一喝拈云。二大士承承家法。殊不知有滲漏處。徑山則不然。若要鼻孔。遼夫直須去此。一喝。之文不整。七句。向山。直須。今夏。五。運菴和尚忌日。拈香。吽發吒喇竭節。地轉云。

回難辨別。不使松源省數錢。慣用衲僧鎖口訣。同死不同生。特地成途轍。秋風影裏重羅列。義斷情忘四十年。何時待得龜成幣。上堂。鬧不如靜。忙不如閒。靜鬧俱泯。謂之得理。歸宗事理絕。日輪正當午。又作麼生商量。擊拂子。向道莫行山下路。果然猿叫斷腸聲。上堂。舉仰山坐次。忽有異僧從空而至。作禮。庭立。仰云。近雖甚處。僧云。今早離西天。仰云。

何來太遲僧。游山翫水仰云神通妙用。則
不無闍黎佛法。須還老僧。僧云特來東土禮
文殊。却遇著箇小釋迦。拈云仰山布漫夫。網
於集雲峯下。羅織有知無端。被小果聲聞用
冬瓜印子當頭一搭。却乃休去。若到徑山門
下。更須驗過。始得何故。擊拂子。禮非玉帛。而
不表樂非鐘鼓。而不傳。

開爐上堂。徑山年老心孤。要說火爐頭話。終

不道東家杓柄長。西家杓柄短。只要每日鉢
盂兩度濕。忽然坐到更深。毛頭星現。各自救
取眉毛。
達磨忌拈香。應般若多羅之識。嫩桂無差。破
流支三藏之疑。詞鋒峻烈。從此六宗歛影。正
脉流通。一花五葉滿地。吹香海豎。山椒咸沾。
聖澤月良春。小賞英五。數炷此堦樓。少伸攀
慕。且道。六師。來也。無捕香云。不審不審。

上堂舉德山因廓伴者問從上諸聖向什麼處去山云作麼作麼廓云勅點飛龍馬跋驚出頭來山休去明日山浴出廓度茶與山山撫廓背一下云昨日公案作麼生廓云老漢今日方始瞥地山又休去師拈云盡謂德山兩處休去是養子之緣殊不知鬧市裏打靜槌死水裏設羈絆

上堂朝鐘暮鼓晨粥午齋一一見聞覺知

他一星子不得及問他歸宗斬蛇大隨蓋龜便去不得且道障礙在什麼處忽有衆中衣鉢道友本色衲僧出來露箇消息供養大眾也好箇時節

冬至小參陰極陽生隨事變是你衲僧家家具子若能一念知歸不被寒暑之所遷自然靈脉貫通暖氣相接且饒葢管飛灰繡紋添線也是什麼閑絡索忽然傍不甘底出來

道不添化機心師指示山僧只向他道胡地
冬抽筍江南雪亞梅

復舉洛浦和尚因龐居士來參禮拜起云孟
夏漸熱仲冬薄寒浦云莫錯士云龐公年老
浦云何不寒便道寒熱便道熱士云患聾作
麼浦云放你三十棒士云啞却我口塞却汝
耳師拈云洛浦貪程太速不知蹉過鳳樓老
龐密用金針不覺鋒頭已露檢點將來二俱

不了且道那裏是地不了底來夜請首座爲
眾點破

次日上堂一氣不言發自九困之底初以無
象肇爲萬化之宗依舊雲物呈祥山林改觀
忽有箇漢向陰陽未判已前打破漆桶又且
如何若果然生鐵也須粉碎

謝執事上堂舉地藏道諸方浩浩說禪爭如
我者裏漣田坎飯師拈云盡謂地藏坐一

七、殊不知倒_ニ麻鞋來似_レ去徑山窮天文究_ニ
地理到底不識者箇畢竟是什麼卓主文_一
舉兩得
上堂舉乾峯和尚道舉_一不得舉_一放過_一
著落在第二師拈云乾峯慣與人解註徑山_ハ
則不然舉_一也不得舉_一也不得放過也不
得把住也不得何故卓主文又添_一箇解註
也

除夜小參更籌餞臘看看趨到結交頭斗柄
回春日日數來添_一歲加_一酌則龐公子帽
頭著地減_一杯則李老君醉眼生瞋從教臘
雪連天說甚寒牛分歲盡是有名無實說食
充饑徑山別有修章只要知時識節只如箒
燈遠照靜守除夕將何管顧卓主文莫嫌老
婦無盤釘笑指爐中芋栗香
復舉歸宗因_一師辭次宗云向什麼處去僧

云諸方學五心禪去宗云我者裏一味禪因
什麼不學僧云如何是和尚一味禪宗便打
僧云我會也我會也宗云道來看僧擬開口
宗又打是則是劍刃上事要且盡法無民徑
山令行一半曲爲今時若依而行之則非惟
法堂前草深一丈正恐無人看天澤菴
正且上堂爲飛戾天魚躍于因四夷拜舞八
表宣傳笑着紅日上闌干且道歲且剛辰是

何祥瑞卓主丈天子南郊

謝新舊兩班上堂有賓有主有禮有樂謂之
栴檀叢林其主也正心誠意待物如春其賓
也標準後學權衡通變忽若賓主互融禮樂
一致又作麼生卓主丈向道是龍剛不信果
然奪得錦標歸

元霄上堂朝家元日郊禮天地開泰聖天子
感而放燈一石以享上帝輦轂之下青紅碧

綠巷陌如畫。禪門中亦有五燈。有傳燈廣燈。普燈。續燈。聯燈。燈燈相續。循環無盡。且道徑山是什麼燈。卓主丈。墻壁有耳。

上堂舉保福因。僧侍立次。福云。你得恁麼廉。心僧云。什麼處是某廉心。福將一塊土。度與云。拋向外邊著。其僧拋了。再問。福云。我見你。望著磕著。所以道。你廉心。師拈云。前面許你。親見雪峯。後面未敢相許。何故。擊拂子。金以。

石試人以言試

佛涅槃上堂。天不文。地不理。忽去忽來。如月印水。歲月已往。兮波旬得時。擲示雙趺。兮飲光增喜。悲兮喜兮。春風桃李。一以貫之。曾子曰。唯。

上堂舉見見之時。見非是見。見猶離見。見不能及。拈云。黃面老子。其實要汝。諸人不執。方歸乎中道。殊不知。雕砂無鑿玉之功。徑山不。

惜口業今日作一句子與諸人解註去也擊拂子

上堂舉長水問琅琊清淨本然云何忽生山河大地耶云清淨本然云何忽生山河大地長水有省拈云敢問諸人問處一般答亦不別長水因甚悟去徑山更與諸人解註一編擊拂子清淨本然云何忽生山河大地上堂首夏清和百昌敷茂會四海高人深探

淺究驀然噴地一發吸盡百川不餘冰之一滴燭盡須彌不消火之一豆誰辨來由松肥竹瘦直饒七事隨身徑山道箇未是何故擊拂子洞山佛無光韓信臨朝底結夏小參西天那蘭陀寺不曾禁足法令森嚴給孤園中不立期限得道者多故我大覺世尊具真天眼宿命通觀東土兒孫不受戒律心游邪徑故下制以禁之令其九十日內

速證道果山僧聞得不覺寒毛卓豎不敢頭
聞何故擊拂子但持鷄狗戒不學祖師禪
復舉良遠座主參麻谷和尚一見來便携鋤
入菜園略不相顧復參次谷便閉却門遂扣
門谷云誰遂應聲未絕豁然大悟云和尚莫
謾良遠好若不來見和尚幾被經論誤却一
生後來告眾云良遠知處諸人不知諸人知
處良遠總知頌云諸人知處良遠知良遠知

處人不知因思積雨花狼藉空寫愁腸說向
誰
次日上堂舉一明三日機鋒兩爲什麼終身
不得放浪雲山無適無莫爲什麼經年泰定
且如來制中合取那一等上科爲後人法式
上堂丁一卓一未解度關坐一走七似近岑
樓會得炎夫火聚如入清涼寶所不會則清
涼寶所如坐火聚刀山要須如顏子坐忘始

有做工夫分

上堂舉朝奉郭功甫請五祖演和尚上堂朝
奉先於法座前燒香云此一辨香藝向爐中
爲光明雲徧滿法界供養我堂頭師兄禪師
伏願於此雲中方廣座上擘開面門放出先
師形相與他諸人描邈何以如此白雲巖畔
舊相逢往日今朝事不同夜靜水寒魚不食
一爐香散白蓮峯祖乃云曩謨薩怛多鉢囉

野怎麼怎麼幾度白雲溪上望黃梅花向雪
中開不怎麼不怎麼嫩柳條金線且要應時
來不見龐居士問馬大師云不與萬法爲侶
者是什麼人大師云待汝一口吸盡西江水
即向汝道大衆一口吸盡西江水萬丈深潭
窮到底徠約不是趙州橋明月清風安可比
師拈云者般說話有甚捉摸處盡從無依無
欲中流出此三昧或者道基逢敵手琴遇知

更在

十五

音誰便不與麼道待虛堂換却骨頭却許你
者一轉語

解夏小參結集法藏取證刻期此是先聖洪
範結集法藏務要慧命流通取證刻期貴在
情量頓脫徑山今夏一眾現大人相洛不相
知主賓彼此偷安說甚明知故犯及乎逗到
言薦賞勞直是無啓口處且道是何等叢林
卓主丈韓幹馬嘶芳草渡戴嵩牛卧綠楊陰

復舉黃檗因臨濟上山問訊住數日乃辭檗
云汝破夏來何不終夏去濟云暫來問訊檗
便打令其去濟行數里疑其事再回終夏師
拈云臨濟當時若一去不回使黃檗懸鼓待
槌方有些衲僧氣息無端再回終夏依舊益
落醬裏且道請訛在什麼處擊拂子將謂不
然今則果然

次日上堂秋風吹曉露秋雨送秋炎祖師門

下客無處不咨參前程忽撞著箇金口木舌
漢又作麼生卓主丈且喜大事了畢

上堂舉五祖戒和尚問僧近離甚處僧云東
京祖云曾見天子麼僧云常年一度出金明
池祖云有禮可恕無禮難容出去師拈云者
僧若親從京師來也恐謾他不得

中秋送鏡空西堂赴三塔上堂門當古道塔
帶寒江不須招手自來誰敢橫趨而去景德

堂上鏡空禪師蘊前輩典刑有尊宿禮兒榮
膺朝命光闡宗猷聚首龍峯可無攀感直得
寒山拊掌拾得歡呼何也卓主丈此夜一輪
滿清光何處無

上堂舉雪峯在洞山作飯頭陶米次山問云
爲復是淘沙去米爲復是淘米去沙峯云沙
米一齊去山云大衆喫箇什麼峯覆却盆子
山云子緣法台在德山師拈云季咸相牽在

子林隨變不分仗劍而逐之洞山謂雪峯緣
在德山不知是何相法峯後果嗣德山此又
過是季成之徒歟
開爐上堂舉趙州火爐頭無賓主話多年無
人提撥徑山火爐頭無賓主話又作廢生每
日只管理論範粥鍋築浴室執法鼓造江船
且與廢過何暇舉火爐頭話來春又要架僧
堂移行堂立行者名次與廢時節方可閉門

作活

達磨大師忌日拈香觀東震且有上乘根器
逾海越漠而來遠赴梁朝丹闕一言契合如
春卷衣北面折鞏問津信知桂識不誣人追
思嚴諱炊黍鱸斝流水希聲絃欲斷不知將
底續芳塵
上堂舉風穴示衆云若立一塵家國與盛野
老顰蹙不立一塵家國喪亡野老安貼師拈

云風穴只要箇相似底殊不知天傾東南地
陷西北會得日與義皇上人遊戲大槐安國
其間得失榮辱自能知之卓主丈云參
上堂平生好攻禪病不知病是道源要知道
源端的直須陸地行船因思大唐裴相國作
圓覺經一序一字一義聳動人夫又思本朝
溫國公製解禪頌六篇一廢一貶口業昭然
匪伊自絕夙種佛亦不度無緣

冬夜小參僧問瀉山問仰山仲冬嚴寒年年
事緊運推移事若何仰山又手近前而立師
云父攘羊子證之僧云瀉山云情知子答者
話不得師云一家父子和氣如春僧云香嚴
入來瀉舉前話嚴云某甲偏答得者話瀉山
復舉嚴亦又手近前而立此意如何師云離
婁行處浪滔天僧云瀉云賴遇寂子不會師
云手臂終不向外曲僧云今夜忽有箇漢出

來問和尚仲冬嚴寒年年事畧運推移事若
何作麼生答他師云老僧也只與麼答他僧
云畢竟作麼生答師云劔去久矣僧禮拜
師乃云山僧得長老之名已四十年於四十
年中住十箇院子其間論今考古說東話西
盡是門頭戶底之說其緊切處不曾道著得
一字子今則時臨亞歲節屆書雲反不如四
十年前未曾啟口底一句子分曉且作麼生

是四十年前未曾啟口底一句子卓主丈要
且不是這一句子
復舉瀉山一日卧次仰山來瀉乃轉面向壁
卧仰云某甲是和尙弟子不用形迹瀉作起
勢仰便出瀉召云寂子仰回瀉云聽老僧說
箇夢仰依頭作聽勢瀉云爲我厚看仰取一
盆水一條手巾瀉洗却面纔坐香嚴入來瀉
云我適來與寂子作一上神通不同小小嚴

云某甲在下面了了知得鴻云子試道看香
 嚴乃點一椀茶來鴻云二子智慧神通過於
 鶯子目連師拈云鴻山源脉到五代時浸微
 且道因甚如此卓主丈過在目連鶯子
 次日上堂一氣潛回百昌萌動君子道長兮
 露柱咨參小人道消兮燈籠作舞義出豐年
 道復太古國師懽喜問如何冬至寒食一百
 五

謝秉拂冬齋上堂以佛法玄妙布施於人如
 雀填滄海以醍醐上味供養於人如密裡砒
 霜是他宿習因緣佛也救他不得徑山明如
 業鏡這裏無你討便宜處
 正旦上堂臘裏三百元正氣和天地開泰萬
 物得序因甚麼一年有兩箇歲端若謂閑餘
 成歲阿誰不知山僧尋常道天下人安我始
 安徑令通事舍人子細聽探是何氣數如是

通事舍人不移跬步繞四天下打一遭無事
不知無處不到歸來踊躍歡喜果有豐年之
兆山僧云以何為據通事舍人道都城巷陌
市廛邸店村落鄉坊柴米蔬菜百物廉平二
麥雪後鬱然可觀是為豐年之兆山僧又問
此外別有消息否他云桑柘樹頭聞布穀春
風影裏牧耕牛山僧道通事舍人你果然名
德相字向春老僧有錢買箇油糍子供養你

他將身一旋拊掌大笑而去山僧惟切疑之
雖然且道他笑箇甚麼

閏正月望為新慶遠長老上堂不知歲之餘
閏不知月之大小懵懵懂懂如是者僅三十
年一旦眼睛活便見朝旨踵門趣歸慶遠衲
僧家潛行密用得與麼靈驗且上馬見路一
句作麼生卓主丈江南春信早紫葢已伸拳
上堂乾坤之內宇宙之間中有一寶秘在形

山形山即不問如何是一寶莫是上木人丘
乙巳麼咄可知禮也

上堂舉踈山造壽塔次知事白云將幾錢與
匠人山云為將三文與匠人好為將兩文與
匠人好為將一文與匠人好若道得與吾親
造壽塔其僧莊然後有僧舉似大嶺嶺云還
有人道得麼僧云未有人道得嶺云你歸舉
似和尚若將三文與匠人此生決不得塔若

將兩文與匠人和尚與匠人共出一隻手若
將一文與匠人帶累匠人眉鬚墮落僧回舉
似踈山踈山禮拜云大嶺古佛放光射至此
間雖然也是臘月裏蓮花大嶺聞得云我與
麼道早是龜毛長數尺師拈云二大老向針
頭上削鐵擬鑄太阿煞佛煞祖爭柰未有人
橫點頭徑山壽塔是崑山薦巖嗣子寶葉造
來亦不知其價直且道與大嶺古佛放光射

至ル此間相去多少卓主文多年曆日如能用
免被巡官指上推

上堂舉德山參龍潭纔相見便問久嚮龍潭
及乎到來潭又不見龍又不現潭云子親到
龍潭至夜侍立次潭云子何不下去德山即
珍重揭簾而出見外面黑却回云外面黑潭
點紙燭度與山山擬接潭即吹滅山於此大
悟便作禮潭云子見箇什麼道理山云某甲

從今日去不疑天下老和尚舌頭次日潭陞
座云可中有箇漢牙如劍樹口似血盆一棒
打不回頭他時異日向孤峯頂上盤結草菴
立吾道去也山取疏鈔於法堂前將一炬火
提起云窮諸玄辯若一毫置於太虛竭世樞
機似一滴投於巨壑遂焚之師拈云辨龍蛇
眼擒虎兒機自古有之只因錯爲指陳以致
破家散宅還有人辨得出麼喝一喝下座

海西堂至上堂推天文窮地理將陰陽易數
向著草影邊點指頭子數過無一星子漏落
且道趙州東壁掛葫蘆在什麼數中會得事
同一家不然多向洞庭青草岸楚天空閣不
知歸

結夏小參僧問人皆苦炎熱我愛夏白長薰
風自南來殿閣生微涼此是古人聯句大慧
聞得打破漆桶且道節文在甚麼處師云甚

處見大慧僧喝云也是泥裏洗土塊師云果
然僧云德山小參不答話有問話者三十棒
此意如何師云醋酸何必挂葫蘆進云有僧
出禮拜德山便打又作麼生師云鐵旗鐵鼓
進云僧云某甲話也未問爲什麼打某甲又
且如何師云義出豐年進云山云你是何處
人僧云新羅人山云未跨船舷好與三十棒
又作麼生師云德山性命落在這箇手裏進

云只如德山與麼爲復是賞伊罰伊師云劍
握齧人手進云者僧是箇衝波逆浪慣弄潮
頭底因甚德山颯他不破師云你却被諸人
颯破了也僧云只如今夜忽有箇漢出來道
某甲話未問爲什麼打某甲未審和尚作麼
生荅他師云我不似德山老婆心僧云明眼
宗師天然有在師云賊是家親師乃云古篆
不文新條有制九旬禁足割瓦覓天三月護

生劈琴煮鶴致使有志之士無所舒伸縱饒
別有生機未免伏聽處分老僧今夜不惜眉
毛作箇方便使現前四衆九夏無虛棄之功
還信得及麼若信得及水邊林底切磋琢磨
必有修證之期其如不然各請收歸上科
復舉涌泉因雪峯訪乃門送峯入轎了泉云
者箇四人尋那箇幾人昇峯聳身云道甚麼
泉再舉峯云行行行他不會師拈云電光石火

之機具大眼自卒難湊泊涌泉危流中失却
手撓雪峯過在後語當時若是徑山待他聳
身云道甚麼只向他道請和尚穩乘轎子非
惟坐斷雪峯舌頭亦使天下人針劄不入
次日上堂大覺世尊二千年前給孤園中聚
一千二百五十比丘至安居日起模畫樣迨
今繩繩未已今日忽有箇漢出來道我者裡
是壺中天地別有日月不入你者保社山僧

只得明窓下安排何故麒麟上瑞舉世希逢
謝福州光首座秉拂上堂夫蠱者最靈通不
期而會不約而同拶著崖崩石裂拖出金圈
栗蓬驚倒露柱嚇煞燈籠不知何處毒種元
來門裏有蟲

上堂排日治疊教盡下味休去歇去茫然湛
然去謂之得道之士殊不知未曾啓口先犯
國諱只如離言詮絕依倚諾方作慈生接納

端午日嘉禾報恩冰谷遺書至上堂午見五
謂之天中節陽德既剛元化以洽盡大地無
非是藥者要且療不得無病之人且道那箇
是無病之人卓主丈問取冰谷老子

中夏上堂舉趙州問南泉如何是道泉云平
常心是道州云還假趣向否泉云擬之則乖
州云不擬又爭知是道泉云道不屬知不屬
不知知是妄覺不知是無記若真達不疑之

道豁若太虛豈可強是非耶趙州禮拜師拈
云一夏九十日已過四十五日此是四十五
日已前語四十五日已後語若是四十五日
已前語焦墀打著連底凍若是四十五日已
後語老僧不得不說若不說又恐諸人見疑
却煩主丈子子細分看卓主丈單折交重
上堂炎威三伏不爲苦涼風四來不爲樂樂
中有苦人不知苦中有樂人不會薄虛空揮

象外擔板一生死而無悔

上堂一喝分賓主照用一時行且道賓主作

麼生分若分得犯突吉羅罪若分不得背地

裏捫心

上堂舉興化示眾云今日不用如何若何便

請單刀直入興化與汝證據時有旻德長老

出禮拜起便喝化亦喝德又喝化亦喝德禮

拜歸眾興化云若是別人三十棒一棒也較

不得何故蓋他旻德一喝不作一喝用便下

座師拈云漢高祖給韓信而殺之身雖死其

心果死乎興化放旻德長老三十棒和氣如

春較之賓主相見則遠之遠矣

解夏小參僧問初秋夏末布袋頭開時節因

緣請師開示師云若不得流水還應過別山

僧云學人到此何似不問好師云叮嚀損君

德僧云馬大師因僧問離四句絕百非請師

直指西來意此意如何師云拚身入虎穴僧
 云馬師云我今日勞倦不能為汝說問取智
 藏又作麼生師云貪程太速不覺落草僧云
 僧問藏藏云我今日頭疼不能為汝說問取
 海兄此意如何師云神號鬼哭禍及私門僧
 云僧問海海云我到者裏却不會又作麼生
 師云照尚無生國裏僧云馬大師父子各有
 病痛還有人醫得否師云先醫得你方醫得

他僧云學人無病何必求醫師云通身是癩
 不肯承當僧禮拜云謝師答話師云知過必
 改外音向來時望日遊山
 師乃云清泉白石偃月枕雲竹屋茅堂怡神
 適意可謂頓忘身世絕俗幽緇無端禁足安
 居佛法朝朝在已剋期取證功行時時上心
 只知規矩襲人安得入流忘所納僧家你得
 主把得定不被人謾且取功底句你麼生真

主丈一把香芻拈未暇六環金錫響還空
復舉洞山示衆云初秋夏末兄弟家東去西
去直須向萬里無寸草處去傳到瀏陽菴主
庵主云何不道出門便是草因此機感相投
道播寰中徑山則不然忽有僧出辭只向他
道秋暑尚炎擬整包笠何如此之速耶且道
與二大老相去多少擊拂子醜婦顰眉
次日上堂卓主丈一下云頂笠挈包雲外去

者回終不上龍峯又卓一下途中忽然撞著
定上座被他當頭道箇不審你作麼生祇對
他又卓一下不須頻勸酒自有解愁人又卓
一下

謝都寺維那藏主知客侍者上堂挾紙衲歷
重任慈明其責得人罰饋飯復游山興化求
賢大急主賓相見未舉先知只如趙州繞禪
牀又作麼生卓主丈莫笑國師門戶冷老來

無力爲三呼

上堂舉石霜普會遷化衆請首座住持

者云先師道休去歇去一條白練去一念萬

年去明甚麼邊事若會得則住持若不會則

不可座云明一色邊事度云未會先師意在

座云裝香來香煙斷處若去不得則不會先

師意香煙未斷首座脫去度拊首座背云坐

脫立亡者則不無要會先師意猶未

云一人高高峯頂立一人深深海底行不是

與人難共住大都緇素要分明作麼生是分

明底事卓主丈

中秋上堂僧問寒山子今夜見月因甚拊掌

大笑師云眼裏著沙不得耳裏著水不得僧

云今夜還有人發笑也無師云直饒笑裡有

刃也須勘過僧云記得馬大師翫月次云正

與麼時如何西堂云正好供養此意如何師

云寸丁入木僧云百丈云正好修行又作麼
生師云地獄門前鬼脫却僧云南泉拂袖便
行此意如何師云只緣步驟太過不覺通身
泥水僧云且道三大老下語還有優劣也無
師云厭彩馬師多少僧云馬師又道經歸藏
禪歸海惟有普願獨超物外又作麼生師云
巖下風生虎弄兒僧禮拜師云禮拜則可
師云王字澄肅眾星掩耀尋常多是論三

五惟有今霄分外明引得馬跛箕呼兒喚子
縱而翫之直饒各逞危機畢竟出他影子不
得莫有出他影子底麼出來下一轉語供養
大眾不然山僧自道去也
上堂舉瀉山和尚問仰山臨濟道石火莫及
電光因追從上諸聖以何法示人仰山云和
尚作麼生瀉云凡有言說皆非實義仰云官
不容針私通車馬瀉云如是如是師拍去是

則是父子投機如水。水惟恐歲月已過。及
而成弊。莫有救得此弊者。麼卓主丈。
上堂未舉先知。未話先領南天台北五臺。則
可若更說九疑秦華相高有殊。則未可也。衲
僧家朝山暮水。滿眼塞耳。覓什麼佛法玄妙。
不然朝茅暮茅喜怒在爾。

圓覺大師第十二忌。拈香西天未葉東土。初
枝。趁起梁魏。方形影相吊。冷坐嵩少。号路徑

委蛇將謂單傳直指誰知。一握亂絲罵底恨。
底患在爲人之師。今則枝枯葉墮。敷茂何期。
有屈明明無雪處。臨風只可自嘔戲。聊陳菲
供來兮鑒諸。

開爐移衆僧。單鉢歸千僧閣。上堂建大夏。非
鉅材難以任重。責安廣衆。非海量難以納衆。
流從頭改作赤手。變通大覺。索不許重鑰案。
積千僧閣。只排三百餘單。但得爐中之火。有

種自然暖氣相洽既果千僧閣因甚只安三
百輩卓主丈

書雲夜參僧問此禪烹露地白牛洞山掇退
泰首座果卓此意如何師云鬪貪不鬪富僧
云還有優劣也無師云優則同優劣則同劣
僧云只如徑山今冬果子貴將什麼與諸人
分冬師云鐵酸鹽僧云恁麼則勝他此禪洞
山多矣師云合取狗口僧云學人來夜果子

還有分也無師云獨有你無分僧云謝和尚
果子師云家賊難防

師乃云六夕未動一氣潛回不萌枝上擬抽
條無影樹頭先破萼壺中日暖虛室生白佛
法掇在鼻尖頭流水有誰彈古調此是時節
因緣只如指呼凡聖號令人天獨步大方爲
世眼自還有遷變也無卓主丈夜半起來屈
膝坐毛頭星現衲僧前

復舉玉息皓和尚示衆仲冬嚴寒布衲赫赤
 不是不洗無得替換拈云皓布衲久貧乍富
 向蟭螟眼裏開張世東出來三叉路口大叫
 一聲道士曠人稀相逢者少會得笑領取去
 不然來夜請首座爲諸人品題

上堂無中取有短處求長是你衲僧針孔線
 蹊邊事你若不受人謾縱一機則須彌定業
 奪一境則海水騰波直繞縱奪可觀猶是諸

方撻牌交割底徑山又默斯要不敢預聞
 上堂舉芭蕉和尚示衆云你有主丈子我與
 你主丈子你無主丈子我奪你主丈子真淨
 和尚云你有拄杖子我奪你拄杖子你無拄
 杖子我與你拄杖子師拈云請各放下者主
 丈子且道三轉語還有優劣也無擊拂子
 朝廷初雪上堂師云好雪片片不落別處有
 僧出厲聲云落在甚麼處師云莫作楊花柳

絮飛進ス世尊說法太梵夫主以金色波羅
花獻ケル此意如何師云錦ニ鋪花又一重僧云
世尊拈起顯ス示大衆惟有迦葉尊者破顏微
笑又作麼生師云物見テ主眼卓ス堅僧云世尊
云吾有正法眼藏分付ス摩訶大迦葉此意又
作麼生師云黃金檐子千鈞重僧云今日和
尚說法忽有人獻花未審如何顯カ示師云洞
中春色人難見僧云只如キハ

萬乘帝君深信此道遠降御香祈求瑞雪應
禱一句作麼生師云和氣兆豐年僧云與麼
則難逃シ化育師云知恩者少キハ
師乃云六花現瑞普賢境界全彰三白應祈
金色真人避席頓使乾坤一色草木呈祥平
原一麥鬱然可觀海豎山椒咸霑聖澤無為
願廣恩大難酬不須江ノ野梅香雪裏一枝
斜ニ更好時康物阜天清地寧ニ

恭謝畢復云愛民恤物歛天威半斷乾坤肅
 四夷先放臘梅凝瑞雪六教春色到瑤池
 朝廷降賜度牒二十道入常住修造上堂僧
 問徑山古剎屋老僧殘天意好還兩蒙二宜
 賜學人上來願聞法要師云人人鼻孔透天
 箇箇感恩戴德僧云記得馬大師因僧問如
 何是祖師西來意馬師云你道什麼何不近
 前來此意如何師云慢夫網子百千重僧云

者僧近前復舉前話被馬大師一脚踏倒起
 來呵呵大笑道百千妙義無量法門盡向一
 毫頭上識得根源復呵呵大笑又作麼生師
 云乞兒拾得錫僧云今日忽有人問和尚如
 何是祖師西來意未審作麼生答他師云雪
 後諸峯盡不如僧云學人今日小出木遇師
 云你得箇什麼僧便喝師云金毛獅子
 師乃云山鳴谷應風起水涵此皆時節因緣

非一毫而莫取代木丁丁於峯頂僧牒遠降
於中天戴德日新際遇_ニ異崇堂從茲易舉_テ
皇恩難以報稱誓勤禪誦仰蒼鴻休凡所見
聞悉皆妙證

恭謝畢復云年垂九十礙叢林歷盡風霜歲
月深妙蘊豈能超佛祖寸衷端可格天心
月且上堂兼謝紫巖長老僧問日月光天德

山河壯帝居學人上來請師祝聖師云巢知

風穴知兩僧云今日精嚴和尚到來如何祇
接師云茶湯畢送歸客位僧云恁麼則禮遇
過廡師云你不得來者裏_ニ毆弄口_ヲ背僧云記
得慈明因泉大道來訪明云片雲橫谷口游
人何處來泉云夜來何處火燒出古人墳此
意如何師云踢天弄井得人憎僧云慈明又
云未_レ在更道泉便作虎_ノ又作癡生師云錢
出急家門僧云只如和尚今日離却言句如

何與人相見師云爛熳葛藤拽不斷僧云且喜領話師云逆耳之談

師乃云起處精銳東山正脉潜通振領森嚴松源家法猶在去也白雲澹泞出沒無拘住

也古栢凌霜歲寒不變且不約而會一句如何付囑卓主丈但思天目塔休話子陵灘

除夜小參僧問門前爆竹通消息何必重新舉話頭師云刺腦入膠盆僧云灰寒火冷歲律告闌如何是交接頭句師云家中無怪兆

何必釘桃符僧云老和尚有福改觀徑山師云窮鬼揶揄僧云記得揚岐和尚因除夜看

打驅儼謂湘中端上人曰汝一籌不如他此意如何師云垂絲千尺不釣凡鱗僧云其僧

曰何謂也揚岐云他要人笑你怕人笑其僧當下頓忘知見還端的無師云鶻真布衫

須腕却僧云徑山除夜只看百戲學人忽然

悟去誰爲證明師云空掃堆頭更加塩堿僧
云和尚滿口贊歎學入河云劒戟齒牙
師乃云老不禁寒山邊水邊曝日春歸閨苑
長底短底從新笙歌叢裏賀年朝錦綉筵中
開壽域衲僧門下別有條章每日蒙頭打坐
不知歲月易遷真饒撥著不來誰展鉢盂喫
飯恁麼會去罷倘真如苟或不然且臘月三
十夜一句又作麼生真主文老樹卧波寒影
動野煙浮草夕陽昏

復舉瀉山和尚山下有一菴主仰山去驗他
云山中和尚道許多人祇得大機不得大用
庵主以謂如何庵主云再舉看仰山復舉被
庵主攔胸一踏仰山歸舉似瀉山山呵呵大
笑拈云瀉山呵呵大笑是笑仰山是笑菴主
明得方知者一踏有落著處
正旦上堂四達皇皇無邊無表因甚有新有

舊會得此去漢陽不遠不然黃鶴樓前鸚鵡

洲

謝兩班上堂龍象交參主賓互換叢林茂盛
兩序得人國一禪師出來呵呵大笑不覺打
失鼻孔因甚如此懽喜而得之

元宵上堂僧問一燈然出百千燈燈燈相續
且道者一燈從何而出師云平生不曾與人

述朱僧以坐具打圓相莫是自者裏出麼師

云弄光影漢僧云若是做工夫底袖子箇箇

便知落著師云你還知落著否僧云學人大

似暗中拾物師云你是探頭山裏人僧禮拜

云謝師答話

師乃云上元新節處處燒燈都城巷陌市廛

邸店觀者如堵惟復燈來眼底眼到燈邊會

得方是觀燈人其或未然多向暗地裏走

謝馬安人捨僧堂禪牀四十座及尼師上堂

僧問如何是祖師西來意師云一錠破三關
分明箭後路僧云有僧問趙州如何是祖師
西來意州云庭前栢樹子此意如何師云爲
人方便勝修行僧云有僧問雲門不起一念
還有過也無門云須彌山又作麼生師云蘇
武持漢節而歸僧禮拜

師乃舉鄭十三娘隨一尼上瀉山山云師姑
在十麼處尼云南臺江邊住山便喝出却

云背後老婆子向什麼處住十三娘又手近
前而立瀉山再問十三娘云早箇呈似了也
山云去一人至法堂尼云十三娘尋常道我
會禪口如利劍今日被大師問總無一言可
答十三娘云苦哉苦哉作者般般眼自也道我
行脚你須脫下裙衫與十三娘著拈云古人
道肯重不得全尚被人檢點何況未忘已見
念他初地菩薩不欲徵之

佛涅槃上堂僧問將此身心奉塵刹是則名
爲報佛恩師云只你一箇是五逆兒孫僧云
世尊臨入涅槃以手摩胸普告大衆汝等善
觀吾紫磨金色之身今日即有明日即無瞻
仰取足毋貽後悔此意如何師云臨崖看許
眼特地一場愁僧云如是人夫大衆悉皆垂
淚惟有波旬踊躍歡喜又作麼生師云甜瓜
徹蒂甜苦瓠連根苦僧云且道波旬是誰弟
子師云是佛弟子僧云既是佛弟子因甚麼
却踊躍歡喜師云三臺須是大家催僧云今
日忽有箇漢出來助哀又作麼生師云非吾
眷屬僧禮拜

師乃云葛藤椿子既倒且喜天下太平此是
末世比丘佛忌禪語輕輕薄薄以我慢爲宗
還知木覺世尊金棺未舉已前事麼卓主丈
上堂舉僧問法眼云慧超咨和尚如何是佛

法眼云汝是慧超雪竇和尚頌云江國春風
吹不起鵬鴟啼在深花裏三級浪高魚化龍
癡人猶岸夜塘水拍云法眼其實啓迪者僧
猶有說不盡底法有問徑山如何是佛只向
他道你將鉢盂擔水繞須彌山千百匝自謂
無一滴子狼籍猶未向汝道在何故佛之一
字豈可盪觴

上堂末上衆生希望成道母令求悟惟益多

聞增長我見心憤憤口悻悻口品藻當代凌鏢
先德欲得把茅蓋頭如水火之急擬要出來
宜發平時妙蘊啓迪後昆殊不知有明眼者
存焉虛堂老矣無力與之明辯但如司馬稱
好而已何也有勢儘教從地起更高無柰有
天何

聖制夜參僧問衲僧三月安居九旬禁足明
甚麼邊事師云古祠無土偶異域有幽人僧

云若如是則一夏無虛棄之功師云藏身靈
影僧云國師侍者處索犀牛扇子意旨如何
師云因風吹火僧云侍者云扇子已破了也
國師云扇子既破還我犀牛兒來又作麼生
師云老倒無端入荒草僧云投子道不辭將
出只恐頭角不全此意如何師云子期去後
無消息僧云雪竇云我要不全底頭角師云
終出他影子不得僧云謝師答話師云無人
處破額穿汝

師乃云今夏聚集四方衲子據菩薩乘修寂
滅行九十日內孜孜矻矻不敢妄有走作一
日忽見鐵船在水上浮又不可謂之怪力亂
神當自體悟之若體悟得去不孤先聖所立
期限未後收功苟或未然咄終不一向與人
解註

復舉欽山同巖頭雪峯行脚會茶次欽山云

若不_レ解轉_レ身通_レ氣不得_レ喫茶巖頭云若_レ恁_レ麼
我_レ斷不得_レ茶喫雪峯云某甲亦然拈云親師
擇友之難古之今之欽山方致薄禮便有人
動他座子徑山則不然但有來者便請高挂
鉢囊飽喫了常住茶飯一任看山看水恁麼
過切不得漏泄何故卓主文恐百鳥獻花無
路
次日上堂百丈清規千古洪範藏之則虛空

絕跡用之則網令森嚴徑山雖則義氣薄雲
爭奈未有僧堂施設且今夏聖制如何講明
卓主丈云下座普同作禮不到諸寮拜白
謝秉拂夏齋上堂僧問記得僧問雲門如何
是諸佛出身處門云東山水上行此意如何
師云舌頭不出口僧云圍悟云若是天寧則
不然如何是諸佛出身處只向他道薰風自
南來殿閣生微涼之作麼生師云也不較多

僧云大慧聞得便^チ去^キ又作麼生師云^チ拚^キ箇
渾身入^ル地獄僧云今日忽有人問和尚如何
是諸佛出身處未審如何答他師云三叉路
口少^ク人知^ラ僧禮拜云謝師答話師云推空聽^ク
響^キ

師乃云財法二施等無差別因甚北路山高
南路山低會得一句子如沾甘露毛骨頓清
投得^ス一筋子如飲醍醐羣心飽德徑山傍若

無人二^レ但^レ不受何故卓主丈寒犢晚歸桑柘
塢短籬無主自開花

上堂舉無盡張丞相與玉泉布衲皓和尚夜
話無盡云洞山初老也甚奇怪道五臺山頂
雲蒸飯佛殿堦前狗屎天要明法身皓云也
有甚奇特它只須得法身邊事不須得法身
向上事無盡操蜀音云如何是法身向上事
皓急呼紙未^レ至就^テ空漆卓上大書云一夜雨

霧澎打倒葡萄棚。事普請行者人力拄底
拄撐底撐撐拄拄到天明依舊可憐生擲
筆大笑無盡爲之入石師拈云盡謂二大老
縱無礙辨明殺活機殊不知慧劍相持各有
優劣

中夏上堂事到極處則難說理到極處則難
明事到極處則難說河目海口恣意瀾翻理
到極處則難明雲蒸月暈水瘦山肥作麼得

二境相露去忽有箇衲僧出來道直饒理事

雙泯也是藥病相洽山僧道你是草烏頭半
夏子待他擬議拈拄丈便打

千僧堂上梁上堂僧問記得世尊因地布髮
掩泥獻花於然燈佛此意如何師云焦擗打
著連底凍僧云如是然燈佛指布髮處云此
方宜建一刹又作麼生師云事因可囑起僧
云會中有賢于長持標挿於指處云建梵

刹已竟此意如何師云神駿不勞鞭影僧云
祇如和尚崇建千僧堂還與賢于相去多少
師云高出他一頭地僧云恁麼則諸天散花
贊歎有分師云歸依佛法僧僧禮拜師云吽
吽
師乃云神功遜宅大覺開基六百年興廢異
常一萬指栖身屋老從頭改作特地新條乘
時操鐵石之心談笑際風雲之會六龍起舞

五鳳爭高不須立石紀功祇此見聞不昧忽
有箇出格道流出來道虛堂老子是則是以
幻修幻有何妙理遽然成此器業山僧只向
他道自從咸淳戊辰之秋鳩工至己巳六月
一十日落成

上堂舉世尊因果氏梵志擎合懽梧桐花獻
世尊云放下著梵志放下左手梧桐花世尊
又云放下著梵志放下右手梧桐花世尊復

云放下著梵志云我今兩手盡空六六審放下
箇什麼世尊云你放下外六塵內六根中六
識是你免生死處梵志當下悟無生法忍師
拈云世尊畫蛇添足當時待他道我今兩手
盡空未審放下箇什麼祇向伊道你放不下
擔將去若下得者一轉語東土初僧不如西
天外道

解夏夜參僧出衆云今夜小參不問話師云

雍裏何曾走却鷲僧問九旬禁足魚投網三
月安居鳥入籠生煞盡時蚕作繭如何透得
者三重此意如何師云一槌擊作百雜碎僧
云若恁麼性燥衲僧無出和尚師云適之主
丈子不在手僧云如何是九旬禁足漁投網
師云新婦騎驢阿家牽僧云如何是三月安
居鳥入籠師云向來披岳頂今已遍神州僧
云如何是生煞盡時蚕作繭師云語是心苗

僧云如何是透得者三重師云魚眼裏針線
僧云記得洞山和尚示衆云秋初夏末兄弟
家東去西去直須向萬里無寸草處去此意
如何師云鷲鷲股裏多割肉僧云後來有僧
舉似潯陽菴主菴主云何不道出門便是算
又作麼生師云秤尾星邊較重輕僧云洞山
聞得乃云大唐國裏能有幾人爲復是肯他
不肯他師云買帽擡頭僧云只如新建千僧
堂已自畢工兄弟家還有東去西去底麼師
云臨時包裹僧禮拜師云須是如此始得
師乃云入夏以來並無做工夫底時節每日
只知登千僧閣守被位上大覺寮看飛雲波
波挈挈云過了九旬雖然如是直饒七佛出
來也覓他起處不得時臨自恣繩頭子越自
把得緊何故蓋他是明眼衲僧終不肯小小
結果者

復舉黃蘗在南泉會中為首眾一日捧鉢向
 南泉位中坐南泉入堂問長老甚麼年中行
 道葉云威音王已前泉云猶是王老師兒孫
 下去檍於第二位坐雪竇拈云可惜王老師
 只見錐頭利我當時若作南泉待伊道威音
 王已前便於第二位坐使黃蘗一生起不得
 師拈云明覺一代龍門針劄古今凌跨前作
 是則是順水張帆若恁麼其師法何在

次日上堂追大鵬於藕絲竅中納須彌於螭
 頭眼裡此是衲僧家九十日內游戲法門今
 朝解開布袋且收功一句作麼生卓主文王
 字澄肅巖壑生秋

謝維那知客浴主侍者上堂一槌未舉驚羣
 聽綱令清嚴三絨纜啓驗來賓頂門眼活只
 如不洗垢不洗塵畢竟洗箇甚麼卓主文耽
 源侍國師之久必能知之

朝廷祈雨上堂問答罷師云神本不靈敬而
禱之則靈敬而禱之既靈則便能搏虛空於
掌上驅旱魃於天隅布雲霧於四郊注甘霖
於九野漁歌煙浦咸稱富足之年樵唱雲村
共樂昇平之化然雖如是且君臣慶會一句
作麼生卓主文明明生下穆穆當中

朝廷明禋大禮祈晴上堂問答不錄師云天
地之大以孝爲本聖人立教以禮爲先以孝

爲本則感天地動鬼神以禮爲大則享上帝
敬祖宗以致軒旋造化密運樞機月滿長空
雲收嶽面此猶是轉句作麼生是奇特一句
卓主文明禋大禮杲日襲天

中秋無月上堂僧問長沙與仰山翫月次仰
山云人人盡有者箇爲甚用不得此意如何
師云輸機是筭人之本僧云長沙云恰是倩
你用者又作麼生師云無文印子胡亂搭僧

思名山 五十四

云仰山云你作麼生用被長沙一脚踏倒起
來云師叔直下似箇大蟲還端的也無師云
未是性燥漢僧禮拜師云短處求長

乃云金色世尊人見月必喜為它坐在淨潔
地上始終脫不得洞山云折合還歸炭裏坐
蓋曹洞宗旨以炭謂之正位會得方檢點得
馬大師不然一併轄向炭庫裏坐

上堂靜之極不知動則虛動之極不知靜則
應動靜一律妙乎中道衲僧家得此三昧攬
長河為酥酪變大地作黃金未為分外不然
卓主丈匹粟斯喫箇青橄欖

開爐井翻蓋佛殿上堂僧問德山入門便拈
却和尚入門重建一執此意如何師云汝纔
入門先穿却汝鼻孔僧云恁麼則各立門風
去也師云低聲低聲墻壁有耳僧云此事且
止記得趙州示眾云我三十年前在火爐頭

說箇無賓主話此意如何師云熱以五十猶
舉臂釣滄海僧云如何是賓主話師云鉞鳥
籬邊毅不去僧云可謂冷啖箇中看火色袒
師心印為親傳師云果然跳不出僧云趙州
道無賓主話至今無人舉著又作麼生師云
孫贖放癡僧云今日徑山開爐還許學人議
論也無師云斬釘截鐵未是你家オラ乃云有雪有霜有寒有燠四時遷謝變化不

同山僧今年八十五骨冷如冰纔聞燠字舉
手而謝之何故免得老來挑灰弄火オラ

偈頌

師入淨慈陞座問荅罷忽 天使踵門
 傳奉聖旨問趙州因甚八十行脚虛堂
 因甚八十住山師乃就舉趙州行脚一
 日到臨濟方濯足問臨濟問如何是禪
 師西來意州云恰值老僧洗脚濟近前
 作聽勢州云會則便會啞噉作麼濟歸
 方丈閉却門州云老僧八十行脚今日

却被者驢子撲輒一頌天使楊都知
繳奏龍顏大悅特賜米五百碩絹一百
縑開堂安衆續以糧食闕典僧堂弊漏
敷奏伏蒙
聖息撥賜水田歲收租三十餘石並免
官稅仍頒降楮券一十萬貫重蓋僧堂
頌云

趙州八十方行脚虛堂八十番住山別有一

機恢佛祖九重城裏動

龍顏

寄集慶開山

如意來尸釋梵宮雨花狼藉濕春風自慚老
矣無靈骨日在深雲聽講鐘

賡靜學林府判游天澤菴韻

古道蕪禪到躬行得幾年乾坤資定力心月
鑑前緣一靜人難學三竺語未圓老來重有

約不在北山邊

谷洞陽居士麋監丞

冷冰冰地洞陽春橐籥乾坤萬物新拖下葛藤提不起不知纏縛幾多人

送了侍者游台山

慕膾高舉興何窮秋在黃蘆葉裏風已事未明如蹈火白雲深處見巖翁

來知客慈峯之乳竇瞻禮明覺塔

湖邊問路入深雲十載心香一炷焚不見隱之真隱處曉風凌露葉初聞

賢侍者號木翁

录曲輪困兒似癡春風花鳥自忘機年來老大渾無用一任叢林鼓是非

奇道彬侍者

勃窣家風一任真迷朱終是不成文何如竹榻吟清夜月到花梢有幾分

準侍者歸省

山空木落岸雲輕吹面霜風有幾程明月脩
江歸夢急入門先祝老人星

清禪者游方

金風露浥菊花秋杞棘當途何處游衡岳康
廬相撞著恐伊未是汝同流

珪禪者號石翁

逃空劫外已蒼然翫水觀山得幾年聞說聽

經曾肯首老來無力補青天

瞿居士號無知

遇緣觸境總茫然地闊天寬著那邊一點既
明超物表不知將底鑑偏圓

贈妙潔道人

妙心明潔契如如操履分明女丈夫龐老家
風殊不一揀籬高價許誰沽

廢寺

入眼荒蕪古殿秋
歲華遷謝沒人修
夜深靜聽風甌語
似罵檀那不點頭

越山

翠螺簇簇繞湖濱
寒影清磨古鑑塵
休問岡頭望夫石
人間恐有斷腸人

墨戲屠生善老融牛

草木傳真筆力高
戴嵩牛在一秋毫
此行莫擬天台去
忍作孤僧過石橋

題淨業圖

鍊行修身結佛冤
未曾說著齒先寒
老來不願西方去
樂得闍浮眼東寬

示惠靈為僧

惠性何如見性通
要教靈驗顯吾宗
乘時颺下墜腰右
笑捧衣盂繼祖風

不親親古矣... 示... 雜... 雜... 雜...

佛事

侍者... 惠明... 編

咸淳元年三月十一日恭奉

聖旨宣八大內普說先於几筵殿遷

理宗皇帝靈輦入正殿拈香語錄師不

許刊行

安孝垂慈契宿熏鸞輿宮殿出金門乾坤日

月無光彩草木咸霑舊日恩恭惟

佛事

烈文仁武安孝皇亞龍鳳之姿天日之表堯
仁舜德濟世澤民垂衣端拱四十一年顯道
繼明一十三葉時康物阜天清地寧十方國
土果圓一徑西天路活千花捧足百寶嚴身
空中仙樂來迎大地六種震動今也次第樊
違嚴駕奉重春行一句無私如何話會深炷
紫檀樓閣現百千諸佛共遨遊

楊御藥奉

聖旨請跋每月念佛圖

每月念佛之圖戒禪師所編自初一定光佛
爲首三十日至釋迦世尊終而復始猶若貫
花新新不住念念不停口誦心思光明發現
爲人天福此念佛精誠之感驗也然而當月
小之日黃面老子無所念處若趨在初一日
則定光佛又無念處以此究竟得去無上法
王於當念中巍然不動現瑞呈祥使定光不

前釋迦不後二六時中拖三作兩喚去呼來
普應大千統攝法界了無妨礙一任流通真
所謂功成行滿者哉

都省董節使起棺

凜凜聲華出禁闈行藏多是合天機
圓明定力人皆有妙得心傳世所稀
都省節使太尉董公氣吞佛祖眼
蓋乾坤赤心奉上則氣烈嚴霜網紀
禁庭則風行草偃隨珠絕類趙璧

無瑕人間萬事只如許太笑一聲天地空
今也溪山雲塢處處逢迎水鳥樹林互相顯發
只如轉位就功出門一句作麼生拈棺云高
空有月千門照大道無人獨自行

湯正言請為前雙林雲峯德和尚入塔

劫火曾烹鐵面皮從來不放價頭低
有時雲外露消息巖嶮門風到者迷
某人一生擔板咬薑呷醋佛眼難
兩處住山時止時行聖

九莫辯靖退全收晚節信緣來應古擣拍板
未拈大星先殞今則舍利流溢剖玉斯函雖
然未觀音容爭奈面目猶在還見麼提起骨
云宰堵波中收不得無陰陽地起雲雷

徑山荆叟入淨慈祖堂

餓狗纏繞古調新年來參入胡笳曲韻出凌
霄最上層聽者和者俱不足天風吹散落西
湖南宕菱蘆春水綠夜深相對共誰語無位

次中隱列祖

秉炬

師觀書記

閩山青泚水碧去住悠悠忘影跡急從秋覲
整禪衣不知天地誰相識有相識無隼的南
山爐鞴正炎你看是甚火色

可拱藏主

進而趨拱而立五千餘卷詮註不及沐浴更衣信意行道入瀟灑無包笠火不燥水不濕鐵壁銀山從者裹入

東山秀老請為小師一侍者

一呼使領終不孤他國師再喚不面祗為貪程太速春雲乍斂宿雨初收火焰裏轉得身來鉢袋子付囑有在

本然侍者

清淨本然臭煙燧焯抹過兩重關放出遼天鷓然侍者將謂吾孤負汝汝元來孤負吾偷眼涅槃臺上望果然做得死工夫

湖州本植禪者

鰓鄉枯瘠人悟得傳心訣無根樹子一植便活不知寒影落誰邊但覺腥風起天未植禪者休甄別當爐不避熱鐵

德圓堂主

行不德規不圓死則活活則痊寸心多在藥
爐邊誰委悉實難言無明火裏雪佛祖冤

居靜副寺

以靜照心日中逃影以空觀妙大夢方省萬
里岷峨飛片雲何如月到千峯頂靜副寺孤
迥迥火後莖苑點著便領

至義禪者

背法堂著草鞋去衲僧義斷情忘觀方知彼
去去彼不至方轉入南山爐韞不守自己靈
光數莖枯骨撐天地一葉扁舟載大唐

惟一知客

惟此一事實餘二即非真洞然明白猶落法
塵自己禪只參半夏行脚眼帶來幾春且向
寒爐敲石火不須茗椀驗來賓

暫到如是禪者

背得四六部經到頂不以如是虛已扣南屏

跨門先領旨火聚乃山ト等閑去來不在秋風裡

凌霄峯念菴主

正念現前七顛八倒豎起拳頭賓主分驗人眼活如鷹鷄鬧時禪淨非照凌霄峯頂看雲人天寒不入者爐竈

祖秀老宿

得之豈在衣盂賽過南能北秀胸襟空洞無

物道人如出諸已正如邪活如死一箇無羈葛草翁莫教觸著無明起

如松禪者

夜來好風吹折門前一枝松自南自北自西自東破頭山下不雷同枝枯葉墮臘盡歲窮磨洗雪霜禁得冷者回方覺煖烘烘

惟曉直歲

戴星耕耨何如又丰挿破曉燒畬勝似栽

田博飯^{チノ}近制^{チノ}急抽^{チノ}單子^{チノ}是本色^{チノ}道流^{チノ}更若^{チノ}
喫^{チノ}不^{チノ}回頭^{チノ}火焰^{チノ}爲^{チノ}汝^{チノ}說法^{チノ}

妙蓮上坐

出水^ル未^ク出水^ラ衲僧^ニ未^キ舉^セ先知^シ有^リ子^ニ必有^ク房^ヲ動^ス
著^ス礙^ニ入^リ牙齒^ヲ休^ム論^ハ半^ク池^ノ霜^ニ倒^リ且^シ看^ヨ綠^ノ影^ヲ浮^ク波^ニ
如^シ今^ノ移^テ向^テ火^中栽^フ劫^外香^ノ風^來未^キ已^キ來^キ未^キ已^キ
擲^キ下^ニ火^ヲ把^リ云^フ休^ム要^ス葛^ノ藤^ヲ

樹頭祖用

黃梅^ノ不^レ墜^ル腰^間石^ノ鄧^嶺惟^タ栽^フ帶^リ雨^ヲ松^ノ四^十餘^年
年^今有^リ驗^シ長^ク短^ク用^ハ無^ク窮^ク祖^ノ衣^未得^ル入^リ手^ニ
萬^縁先^ニ以^テ頰^ニ空^ニ無^ク柄^ノ鑿^頭何^レ處^ニ著^ス一^時分^付
丙^子童

法語

高麗國淑法師印藏經

如石含玉非精鑑焉能識其真道在已躬苟
外求難以適其妙鑑之弗精則隱微求之不
敏則溟滓要明體道之源非朝夕而可求之
者也故我竺土老師守志不堅棄萬乘尊榮
受六年饑凍於臘月八夜忽覩明星不離草
座入不思議之境說一大藏葛藤籠絡天地

日月包括陰陽造化致於有情無情總出他
影子不得三賢十聖無不傾心外道天魔悉
皆拱手可以報君親厚風俗鎮浮去偽潛利
陰益者多矣未後却道始從鹿野苑終至跋
提河於是二中間未嘗譚一字可煞漏逗從
茲關鑰不嚴便見殊方異域赤縣神州海藏
金文無處不有豈止手破一微塵而出此經
卷而已哉高麗淑法師者竺土老師之眷屬

也宿熏既深航海而來遠致一身願滿十藏
綿歷風霜其志愈篤遍尋知識求所未聞儻
能未展經條入此阿字法門則五千餘卷總
是切脚且道切箇什麼字因驀然眼皮綻不
得忘却老僧宋景定癸亥秋八月虛堂叟書
于四明雪竇西菴

雪蓬明長老赴禾興光孝

雪蓬明老相從有日自育主過東山客櫺之

下温然如春此老之力也在南屏居第一座
忽澱湖有公選之寵二年復勝集于雙徑仍
歸第一座羣心歡如今領朝命遐赴禾興光
孝臨岐聊擲數語以當祖行卓錫無地空餘
雙眼蓋乾坤鐵笛橫吹有氣不吞雲夢澤煙
波渺渺蘭棹依依雪蘆霜葦冷相宜幾度揭
開閑對月鴛湖深處不必垂絲長水江頭錦
鱗自得臨岐句子如何分付風飄飄兮吹衣

水泠泠兮聲詩咸淳戊辰秋九月虛堂老僧
書于不動軒是年八十四

日本建長寺隆禪師語錄跋

宋有名衲自號蘭溪一筇高出於岷峨萬里
南詢於吳越陽山領旨到頭不識無明擡脚
千鈞肯踐松源家法乘桴于海太行日本國
中淵默雷聲三董半千雄席積之歲月遂成
簡編忍禪久侍雪庭遠訪四明銀梓言不及

處務要正脉流通用無盡時切忌望林止渴

雪峯霜林果禪師語錄跋

大慧下尊宿尚多足陌虎丘下子孫尚多省
數足陌使之有限省數用之無窮罵天翁三
傳而之霜林萬木正當凋落鬱然興起此蓋
擅省數而得之善觀是錄者可以陞其堂而
未可入其室

真贊

慶遠俊長老請

老不死心未灰觸著惡發青夫怒雷引得虎
頭燕領競起叢林禍胎點著便領何其俊哉

淨軍藏主請

容易肯人難與共語竹篋頭惜之如金禪牀
角委之如土淨軍知藏善知機電光影裏分
寘主

以文長老請

天地不仁出此妖恠有偷營劫寨之機無喜
捨慈悲之戒正脉將沉法門凋瘵如何嗣續
松源汎大奸難後越精神罵人背毒如蜂蠆
新建淨慈天錫莊請

不期而會不約而同晴光爍爍和氣融融際
遇

兩朝聖主中興 徽廟禪叢良田天錫平如

砥坐對靈苗，歲歲豐。

徒弟宗璞，建施水菴，請。

等是垂慈，初無門戶。璞玉既分，号可觀梵儀。

頰舉号難覩，凌霄峯頂看雲人。普化堂中第

一祖。

日本紹明知客請。

紹既明白語，不失宗。手頭皸弄，金圈栗蓬。大

唐國裡無人會，又却乘流過海東。

礪溪禪子請。

怒氣喫人，殊不可犯。雖有蓋膽毛，且無驗人

眼。是亦剗，非亦剗。咬定牙關，一生擔板。

光禪者請。

初而欣，久而厭。明月夜光，多逢按劍。但信得

及，自有靈驗。

無則都寺玉几寫予夢影，自散席後言。

音不相接者十二年。今上徑山請贊筆。

老墨澀勉而書之
敬而遠親而踈明鑑靈腑善定鎖銖凌霄高
而衆蜂拱海嶠聳而蟾影孤子歸就父吾不
識渠

徑山西窳衆老郎請

霜嚴氣烈山空月明涵養有得剗削不平拈
起則佛祖不識放下也草木爭榮推到凌霄
八十四誰知名重九重城咄

妙源

嘗拜觀師十會語如南屏雙徑

提唱甚多惜乎未盡錫梓曩曾侍師於
凌霄因有此請不允今叢林衲子咸欲
流傳謹錄成後集倘覽者言外知歸則
我師之語何剩焉咸淳五年歲在己巳
佛成道日新差住持福州鼓山嗣法小
師妙源拜書

小師楚莘清塞謹抽衣資命工刊行

後錄終

... 日... 萬壽法孫... 宣宗卓集

虛堂和尚新漆

勅差住持洛陽萬壽法孫比立宗卓集

讚禪會圖

黃檗禮佛堂 宣宗

七赤之軀額有圓珠問著便掌瞻大心麓不

是六中天子幾乎喚馬作驢大家水底按葫

蘆

趙王訪趙州不下禪牀

堅不剛柔不弱七言甲子老翁偏要用此下
著列土王來不下牀高風千古為標格

肅宗問忠國師十身調御

萬乘垂衣立問端國師答處太瞞預誰知十
月清霜重一陣風來一陣寒

李翱參藥山

黑豆數無窮青松蓋不盡癯然老比丘即此
吾無隱更提雲水曲周遮漆得傍久眼裏花

韓愈見大顛

檀拍板無孔笛省要乞一言虛空轟霹靂臨
機不解轉身又却隨他聲色非聲色洞庭湖
外千峯碧

莊宗宣興化問答

君臣慶會豁全機百億山河盡真歸拈起太
平無價寶乾坤何處不光輝

順宗問鵝湖大義禪師

當機一勾關天關海闊山遥豈等閑堪笑冬
瓜長儻侗翻成瓠子曲變響

文宗問終南山蛤蜊瑞相

擲不開撲不破人言大士應身我也疑他真
箇終南山相應和喜動龍顏百僚俱賀誰知
別有彌夫過

龐居士問馬大師

藏頭露影問來由却把西江盡力訓回首眼

空天地窄不知身在御街游

丹霞見靈照女

冤有頭債有主天然欲訪龐翁恰好撞著此
女揣盡家私瓜甜蒂苦因茲上下不和同牛
姦即忙塗赤土

龐居士大家團圓共說無生話

窮厮煎餓厮吵父子不同途大家相脫却萬
頃湘江洗不清無生曲調何時了

龐居士闔家都去

神出鬼沒接響承虛這一火絡邪法難扶互
將魚目作明珠笑倒西天碧眼胡

紹定四年清明日住嘉禾與聖智愚為

妙源侍者敬贊

棘林和尚遺書至

因記七峯來玉几去年花白下雲均未周下
歲背盟我別盡春燈眼不交

鐵生大阮

假道鐵鋒上行藏雲水中且非心法妙自是
手頭通前輩多遺偈靈襟出眾工明朝何處
去黃葉度谿風

琳禪人歸豫章

慎將窺管鑑靈知用在亡羊愧在斯莫謂西
山好消息須知江海有名緇

雲山小景

渺渺晴煙薄，蒼蒼古樹昏。天涯殊未足，對此
暗消魂。

孤山

黯黯青青一望中，迥然不與眾峯同。白雲散
盡，江天曉，想見人間無路通。

右五或載前錄，今本不見，故收在此。

和秉彝李君五偈

深夜何人立少林，見成公案不須尋。堆山積

嶽難消遣，相對頑然鐵作心。

呈瑞宣傳是有年，眼前分曉被人謾。自家冷
暖知來處，老骨從前不怕寒。

千鈞之重一毫輕，好句聊將慰客情。縱擬怪

松爲玉樹，月高依舊可憐生。

曉聽君臣慶賀時，六街如畫不曾迷。普賢境
界應垂問，手詔來時見紫泥。

燴邊呵凍得能端，右無辜日夜磨却把悼。

詞爲雪ハク詩魔シマ敵勝トク修羅シラ

寵和シヨ五偈ゴキ調高テウカウ難續ナンジツ未免ニムナ評是ヒョウシ伏フク寫シャ笑シヤウ

搵エン智愚チウイ再來ザイライ

贈ク禪客ゼンカク智仁チニ

法戰場中ホフセウジョウチュウ樹勝旗ジュセウキ話頭ワダウ何似ナニニシ問頭モンダウ危キ古コ人ニ戒ケイ
竈ク添セン兵ヘイ處トコロ切忌キキ交鋒カウホウ蹉サ過カ伊イ

問話モンワ行者コウジャウ智仁チニ炷チユ香カウ請シヨウ語ゴ以此ココ贈ク之ニ景ケイ

定テイ矣イ茲シ至シ節セツ虛堂コウドウ老僧ラウソウ書シヤ于ニ雪竈セツク西シ菴アン

送日本南浦知客ソウニッポンナンプウチカク

敲ク磬ケイ門庭モンテイ細サイ搦ナク磨マ路頭ロダウ盡ジン處トコロ再サ經過ケウコウ明明メイメイ說セツ
與ヨ虛堂コウドウ叟ソウ東海トウカイ兒孫ニ日轉ニチテウ多タ

明知メイチ客カク自ジ發明ヘイメイ後ノチ欲ス告コト歸ル日本ニッポン尋シユ照シヤウ知チ

客カク通トウ首座シュウザ源長老ゲンチヤウ聚ク頭トウ說セツ龍リウ峯ホウ會クワイ裏リ家カ

私シ袖シュウ紙シ求モト法語ホフゴ老僧ラウソウ今年コトシ八十三ハチジウサン無ム力リキ

思シ索ソク作サク一イツ偈キ以テ賚サシ行コウ色シキ萬里マンリ水程スイテイ以テ道ダウ

珍チン衛エイ咸ケン淳ジュン
秋アキ住ジュ大唐トウテイ徑山ケイサン智チ愚イ書シヤ

于不動軒

鳴鐘佛事

烹金鍊玉煨聖鎔凡不假鉗錘便成大器霜
清月皎證圓通三昧之門雲淡天叵破勞生
昏迷之夢壽同空有求鎖化城最初一推如
何話會聲鐘一下云却右直銷日洪音無盡
時

化城鳴鐘咸淳戊辰冬十月日住徑山

虛堂智愚書

荅蓬萊宣長老書

智愚啟復蓬萊堂頭無示禪師二月初十日僕
至收所惠書且審住持緣法增勝為尉所言
之心腹宣勞之人時節使然當體舌風地藏
道諸方說禪浩浩爭如我種田博飯者般說
話大有田地風光見破屋數間單丁者七年
瀉山喫椽斗子不戴此皆哲人事業光明後

世如此但恐無遠之心今則利道交行不可舉目也况蓬萊海上名山前輩行道之地自當退步謹愿以叢林爲念以衆人爲心自然般若之緣勝起香風四吹何患無宜勞者勉旃是請承惠紫茹兩月不甚佳想交運如此靈隱已脫選相伴而已光老恐三月初進院移單歸松源塔所去庶耳根清淨又得江湖兄弟相伴飲茶道話足矣寄來提唱已下

一點校付則師封去緣方郎母信松住幾時凡後措辭遺言子細錐割古今詳盡大意下刃處較嚴莫似諸方泥中洗土春暄善宣調攝至祝不盡二月二十八日智愚啓復

示權淨侍收

出家人務在潔清淨勤策二業不當塵俗汚居老夫偶適之低細教育令其照前所戒潔已虛心學業周以了出家本志如其不然

請出此扇

辭世頌 八十五年佛祖不識掉臂便行

太虛絕跡

行狀

師諱智愚四明象山陳氏子虛堂其號也家
近邑之普明寺相距一里許有山其祖欲卜
壽穴相者謂此地高則應子孫富盛低則當
出異僧祖曰願得僧以副吾崇佛之志及祖

葬未數年母鄭氏嘗夢一老僧偕而羶長挹
乞飯因而娠焉逮生之夕母復夢如前年十
二父母携師拜祖墳言其事師若有所憶至
十六歲無經世意父母見有異相舌貫鼻端
聽其依普明寺僧師蘊出家一日聞誦杜工
部天河詩長時任顯悔秋至輒分明縱被微
雲掩終能永夜清忽有警發辭親出鄉首依
雪竇煥和尚淨慈中庵皎和尚公務外惟坐

禪二老撫愛常置之左右道過金山掩室和
尚一見甚器重通夕與語無倦是時運庵師
祖謝事真之天寧解后語語見其氣宇不凡
未幾赴道場携師過雪上薙染爲不釐務侍
者凡入室常舉古帆未挂因緣不許下語思
之古帆未掛話有甚難會其實只是一漚未
發已前事何得不教人下語造方丈通見解
聲未絕庵云何不令取狗口靜地裏密密體

取去歸寮不覺躁悶忽然會得古帆未掛話
清淨行者不入涅槃話次日入室却問南泉
勅貓兒如何師云大地載不起庵佞頭微笑
自此徧歷諸大老之門與石帆行叔結盟游
江淮湘漢巡禮祖塔坐夏荆門玉泉因思虞
察院於踈山壽塔因緣發明孜孜參究因過
廬山大雪彌月在東林且過堂夜坐無心中
會得大嶺古佛放光時節自此凝滯泮然其

時無二月和尚主福嚴奔走龍象師往依之
即命典藏有脩首座飽參碩學歸隱南嶽影
不出山未嘗容易肯可諾方師與商略古今
反覆博約深相契合有北禪禮和尚機辯峻
捷袖子少得登其門者師一日訪之厲聲曰
新到相者禮云長老不在師云已得真人好
消息禮出喚行者云新到僧在那裏師指露
柱云和尚問你何不答禮云甚處來師云福

嚴禮云行李在甚麼處師云在旦過堂禮云
我不問你者箇行李師云若是那箇行李北
禪門下著不得傾倒不忍舍由是回浙到淨
慈見淨和尚淨問云你還知所生父母通身
紅爛在荆棘林中麼師云好事不在忽忙淨
隨後打一拳師展兩手云且緩緩時笑翁和
尚住靈隱以虎丘舊職命師再尸藏事舉住
杭之廣覺力辭忠獻史衛王秉鈞軸嘉禾天

寧別浦以師名聞之出世興聖實紹定二年也後遷報恩開府存畊趙公以明之顯孝力請開山後遷瑞巖二年丐退掩關啓霞萃成頌古代別運福虛席侍郎黃公堅請主之繼遷婺之寶林五年嬰強寇之難歸松源塔下東谷和尚主冷泉欲舉立僧恐不俯就衲子再三禮請師從之開室普說垂三轉語罔有湊泊寶祐戊午育主虛席禪衲毅然陳乞有

司節齋尚書陳公嘉其公議特與數卷是年四月領寺事三年吳制相信讒懷隙辱師欲損其德師怡然自若始終拒抗略無變色聖旨宣諭釋放作偈奉謝云去時曉露消祥暑歸日秋聲滿夕陽恩渥重重何以報望無雲處祝天長古愚余尚書典鄉郡特以金文延之迫於晚景退閑明覺塔下作終焉計景定甲子有旨詔住淨慈衲子奔集堂單無

以容半居堂外上徹宸聽賜絹百疋造帳
米伍伯碩楮券十萬貫是年秋又賜田參阡
餘畝即今天錫莊是也十月帝崩召師入
內對靈普說兩宮宣資憂渥丁卯秋遷徑山
冬十月朝廷降香遣使禱雪問師期應師
曰今夕果至期無爽回奏賜綾牒貳拾道銀
券等一新僧堂浴室行堂區區工役中猶勵
衆無怠師感兩朝恩遇之寵將所賜帑帛

創小庵於望雲亭之東扁曰天澤就築塔爲
歸藏之地師平生性不通方與時宴合臨事
無所寔假言纔脫口則釋然無間以是學者
畏而仰之二十年常舉靈雲兩處不答徵問
衲子少有契其意者己巳十月五日祖忌拈
香罷忽感微疾越二日晝偈沐浴端坐而逝
春秋八十五夏臘五十三嗣法十數人語錄
二帙已行於世門人奉全身瘞于塔焉咸享

十年十月十一日新劄差 住持慶元府清

涼禪寺嗣法小師 法雲 謹狀

行狀或唐刊系在後錄未今本不見故付于此


祖翁在世語錄二帙刊流天下宋咸淳五年晉之續錄後集已成三卷而本朝未刊行之先師常為言而未果成

也為人之後者曷無勇為乎仍搜遺逸新添數紙於後錄之尾錄梓于龍翔正和癸丑開爐日拙孫宗卓敬書

虛堂和尚新添終

惠新添
十四

寬永九年壬申九月
中野市右衛門刊行



淡路島
中野市
刊行

